



Møtebok for Formannskapet

Møtedato: 14.09.2021
Møtestad: Brannstasjonen på Mo
Møtetid: 10:30 - 15:00

Frammøtte medlemmer	Parti	Rolle	Merknad
Kjetil Eikefet	SA	Ordfører	
Ann-Jorunn Farestveit	SO	Varaordfører	
Kristin Nåmdal	SA	Medlem	
Håvard Engeseth	SO	Medlem	

Forfall meldt frå medlem:	Parti	Rolle	Merknad
Liv Anne Aanesen	SA	Medlem	Meldt forfall

Frammøtte varamedlemmer:	Parti	Rolle	Merknad
Anne Britt Almelid	SA	Varamedlem	Vara for Liv Anne Aanesen

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Administrasjon	
Tone Selmer Skuggevik	Teknisk sjef	Administrasjon	

Sakliste

Saknr	Tittel
021/2021	Godkjenning av innkalling og sakliste
022/2021	Godkjenning av møteprotokoll
023/2021	Orienteringssaker
024/2021	Framlegg til ny Forskrift for slamtømming for NGIR-området
025/2021	IKT Nordhordland - utviding med Aurland kommune og endring av samarbeidsavtale
026/2021	Avvikling av bygg- og anleggsavdeling - BKK produksjon
027/2021	Justering av løyvingar 2021

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	21/229

Saksnr	Utvalg	Type	Dato
021/2021	Formannskapet	PS	14.09.2021

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Formannskapet - 021/2021

FOR - behandling:

Samrøystes vedteke

FOR - vedtak:

Innkalling og sakliste vert godkjent

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-033	21/229

Saksnr	Utvalg	Type	Dato
022/2021	Formannskapet	PS	14.09.2021

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Formannskapet - 022/2021

FOR - behandling:

Samrøystes vedteke

FOR - vedtak:

Møteprotokoll vert godkjend slik den ligg føre

Vedlegg:

Protokoll - Formannskapet - 01.06.2021

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	21/229

Saksnr	Utvalg	Type	Dato
023/2021	Formannskapet	PS	14.09.2021

Orienteringssaker

Underliggjande saker:

Saksnummer	Tittel
023/2021.1	Modalen-revisjon-høringsbrev
023/2021.2	Orientering - justering - kommunegrensa - Alver og Modalen alternativt Masfjorden

Forslag til vedtak:

Sakene vert tekne til orientering

Saksopplysningar:

Formannskapet - 023/2021

FOR - behandling:

Ordførar orienterte om søknad om utgreiing av grensejustering mellom Alver og Modalen kommunar. Kommunen skal gje ein uttale til Statsforvalteren innan 15. nov. Uttalen kjem til politisk handsaming i kommunestyret 4. nov. Formannskapet bed om at søknaden med kartutsnitt vert presentert og orientert om i kommunestyret 23. sept.

Ordførar orienterte om høyring om revisjon av konsesjonsvilkår i Steinslands- og Modalsvassdraget. Kommunn har bedt om utsatt høringsfrist til 15. nov for å kunne handsame saka i kommunestyret 4. nov. Mari Hagenlund på landbrukskontoret vert kommunen sin sakshandsamar i utforming av høyringuttalen. Det er aktuelt å nytte ekstern bistand frå til dømes LVK og hydrolog i tillegg.

Ordførar orienterte om årets TV aksjon, som er 24. okt. Mottakar er Plan International. Formannskapet er innsamlingskomite. Ordførar organiserer innsamlings- og opptellingsarbeidet. Ordførar orienterte om at staten ikkje ankar klagesaka om eigedomsskatt, som kommunane vann i Tingretten.

Ordførar orienterte om at Industriutvikling Vest(IUV) har fått oppdraget med gjennomgang av Modalen Næringsbygg. Kommunen har hatt oppstartsmøter med IUV for å konkretisere oppdraget i to delar: 1-teknisk/økonomisk gjennomgang og 2-potensiale for forretningsutvikling. Rapporten er venta ferdig rundt nyttår, og vil bli presentert for kommunestyret på første møte i 2022.

Rådmann og teknisk sjef orienterte kort om status for nybygget. Plan om innflytting rundt midten av desember. Formannskapet bed om at det vert utlyst namnekonkurranse, med ein god premie, for å namngje bygget. Mål om at namnekonkurransen skal avgjerast i kommunestyret 10. des. Formannskapet bed og om at ein kjem tilbake med sak/framlegg til utsmykking i bygget, i tråd med føringar for nye offentlege bygg. Formannskapet bør vere styringsgruppe for dette arbeidet.

Formannskapet bed om at administrasjonen på neste formannskapsmøte orienterer om søknadar og tildelingar av kulturmidler og kulturminnevernmidler sålangt i 2021. Dette inkluderer orientering om kriterier for tildeling og budsjett for desse to områda.

Samrøystes vedteke

FOR - vedtak:

Sakene vert tekne til orientering

Vedlegg:

Modalen-revisjon-høringsbrev

Informasjonsark om sakshandsaminga.PDF

Orientering - justering - kommunegrensa - Alver og Modalen alternativt Masfjorden

Sakspapir

Saksbehandler	Arkiv	ArkivsakID
Njål Bolstad Eidsnes		21/236

Saksnr	Utvalg	Type	Dato
024/2021	Formannskapet	PS	14.09.2021

Framlegg til ny Forskrift for slamtømming for NGIR-området

Forslag til vedtak:

Formannskapet legg Forskrift for slamtømming ut på høyring, jf. Forureiningslova § 26. Høyringsfristen vert sett til seks veker.

Saksopplysningar:

Bakgrunn

Etter forureiningslova § 26 er kommunane ansvarleg for tømming av mindre avløpsanlegg, renseinnretningar mv.

NGIR organiserer og drifter både renovasjonstenestene og slamtømmetenestene for deltakarkommunane. Kommunane har i liten grad oppgåver knytt til utføring av tenestene.

Utgiftene som NGIR har knytt til tenestene vert dekkja av renovasjonsgebyret og slamavgift frå abonnentane. Utrekning og fastsetting av renovasjonsgebyret og slamavgift skal følgje regelverket for sjølvkost. Deltakarkommunane fastsett slamavgifta kvart år.

Vurdering

Føremålet med ny forskrift for slamtømming er at deltakarkommunane i NGIR får eit regelverk som blir likt på tvers av den enkelte kommune. Abonentane får samstundes eit meir detaljert rammeverk for slamtømming, enn det som er tilfellet i dag.

Framlegget til ny forskrift om slamtømming for deltakarkommunane i NGIR får ingen vesentleg innverknad på ordninga med slamtømming. Framlegget legg likevel til rette for ein meir effektiv ressursutnytting både i NGIR og kommunane og avgrensar trongen for hyppig formell oppfølging frå kommunen si side.

Forskrifta vil ikkje ha noko negativ innverknad på miljøet, og vil til dels styrke oppfølginga i den samanheng.

Forskrifta vil i utgangspunktet ikkje medføre økonomiske konsekvensar.

framlegget til forskrift for slamtømming for deltakarkommunane i NGIR er i all hovudsak ei detaljering av dei overordna krava og pliktane som følg av forureiningslova.

Framlegget vil bidra til å skapa einsarta praksis i kommunane, samt ei forenkling og effektivisering av sakshandsaminga.

Dei viktigaste forholda er:

- Det blir klart kva for pliktar både kommunen (NGIR) og abonnentane har.
- Det blir stilt krav til tilkomst for køyretøy for slamtømming.
- Det blir tydeleg kor ofte ulike anlegg skal tømmast og kva for eigedomar som får generelt fritak.

Det blir mogleg å søkje om fritak frå slamavgift og vilkår for slikt fritak.

Konklusjon

Rådmannen tilrår at Forskrift for slamtømming blir lagt ut på høyring. Høyringsfristen er seks veker

Formannskapet - 024/2021

FOR - behandling:

Samrøystes vedteke

FOR - vedtak:

Formannskapet legg Forskrift for slamtømming ut på høyring, jf. Forureiningslova § 26. Høyringsfristen vert sett til seks veker.

Vedlegg:

Forskrift for slamtømming

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-026	21/215

Saksnr	Utvalg	Type	Dato
025/2021	Formannskapet	PS	14.09.2021
040/2021	Kommunestyret	PS	23.09.2021

IKT Nordhordland - utviding med Aurland kommune og endring av samarbeidsavtale

Forslag til vedtak:

Modalen kommune vedtar at IKT Nordhordland kommunalt oppgåvefellesskap vert utvida med Aurland kommune.

Modalen kommune vedtar samarbeidsavtalen for IKT Nordhordland kommunalt oppgåvefellesskap slik den ligg føre

Saksopplysningar:

Bakgrunn

Aurland kommune har hatt som mål å få til ei IKT-drift- og digitaliseringsutvikling i tråd med stadig aukande nasjonale og lokale forventningar. Kommunen ønskte å etablere eit meir føremålstenleg IKT-samarbeid for kommunen, der dei kunne oppnå høgare satsing på digitalisering og betre tenester knytt til IKT-drift. Målsetninga for Aurland kommune er å få så god og profesjonell drift som mogeleg.

Aurland kommune evaluerte fleire ulike IKT-samarbeid. I hovudsak skilte IKT Nordhordland seg ut i forhold til ein gjennomarbeidd styringsmodell med særskilt satsing innfor Digitalisering og innovasjon, i tillegg til dei gode tenestene knytt til IKTNH. Det vart og lagt vekt på det nære samarbeidet med Digi Vestland.

Aurland har sidan 2020 hatt ei stor prosjektgruppe som har jobba med kartlegging og utarbeiding av sakspapir for å komme fram til ei riktig beslutning.

Aurland kommune har i utgreiinga si kome fram til at dei ønskjer å samarbeida med IKTNH. Både i formannskapet og kommunestyret har rådmannen sin tilråding vore einstemmig godkjent.

1. Tilråding frå rådmannen: Aurland kommune trer ut av ÅLA-samarbeidet innan IKT 31.12.2021, jamfør KS-058/11.
2. Rådmannen får mynde til å utarbeide avtale med IKTNH.
3. Avtalen vert lagt fram for godkjenning i formannskapet 10. juni og kommunestyret 17. juni 2021.
4. Det blir sett av kr. 500.000,- til overgangskostnadar og naudsynte investeringar.
5. Investeringane blir finansiert ved omdisponeringar på investeringsbudsjettet, og blir lagt fram i samband med handsaminga av 1. tertial 2021.

Vurdering

Basert på Aurland kommune sitt klåre ønske om deltaking i IKTNH-samarbeidet, har IKTNH og DIR/NUI greidd ut nærare detaljar kring eit slikt samarbeid. Utgreiinga konkluderer med at ei slik utviding vil vera gunstig både for Aurland kommune, IKTNH og DIR, og har følgjande tilråding:

Ei utviding vil medføre betre utnytting av kapasitet og kompetanse i IKTNH. Dette vil frigjera økonomiske ressursar som kan styrkje utviklinga av betre tenester og arbeidsprosessar. Dette gir stort potensiale for gevinstrealisering i tenesteproduksjon og innbyggjardialog.

Prosjektet rår difor til at dei auka økonomiske ressursane vert nytta til å styrke innsatsen inn mot Digitalisering og Innovasjon sine behov i forbindelse med å utvikle fleire tenester, samt å auke servicegraden til dei eksisterande kommunane.

Endring av samarbeidsavtalen

Aurland kommune vert deltakar i § 19 samarbeidet på lik linje med dei noverande kommunane i samarbeidet. Dette medfører ei utviding av oppgåvefellesskapet og endring av samarbeidsavtalen. Styret i IKTNH har handsama den nye samarbeidsavtalen, og den er godkjent av representantskapet i IKTNH. Kommunestyra i alle deltakarkommunane, medrekna Aurland kommune, må godkjenna den nye samarbeidsavtalen før den vert gjeldande.

Konklusjon

Kommunelova§ 19 set formelle krav til kommunalt oppgåvefellesskap. Desse krava er ivaretatt i vedlagte forslag til samarbeidsavtale. Utviding av IKT Nordhordland krev at alle medlemskommunane gjer like vedtak.

Rådmannen tilrår at kommunestyret føl framlegg til vedtak.

Formannskapet - 025/2021

FOR - behandling:

Rådmannen orienterte om saka og svara på spørsmål.

Samrøystes vedteke

FOR - vedtak:

Modalen kommune vedtar at IKT Nordhordland kommunalt oppgåvefellesskap vert utvida med Aurland kommune.

Modalen kommune vedtar samarbeidsavtalen for IKT Nordhordland kommunalt oppgåvefellesskap slik den ligg føre

Vedlegg:

Utgreiing - Utviding av IKT Nordhordland med Aurland kommune
Samarbeidsavtale IKT Nordhordland 2022 med Aurland

Sakspapir

Saksbehandler	Arkiv	ArkivsakID
Jo Bjarte Tømmerbakke		21/241

Saksnr	Utvalg	Type	Dato
026/2021	Formannskapet	PS	14.09.2021

Avvikling av bygg- og anleggsavdeling - BKK produksjon

Forslag til vedtak:

Formannskapet i Modalen vedtek slik uttale til styret i BKK

Saksopplysningar:

Uttale frå formannskapet i Modalen

Formannskapet i Modalen kommune er uroa for planane om avvikling av bygg- og anleggsavdelinga i BKK Produksjon. Me er uroa for dei tilsette som vert råka og kva lagnad desse får. Modalen kommune er ein liten kommune der innbyggjarane er avhengig av den felles arbeidsmarknaden i regionen. Difor vil ei avvikling også råke innbyggjarar i vår kommune, som frå før har begrensa tilgang til arbeidsplassar.

BKK har i mange tiår vore ein viktig aktør for lokalsamfunnet i Modalen. De har hatt mykje å seie for utviklinga av kommunen, til slik me kjenner den i dag og dette er noko me sjølvsagt set stor pris på.

Når det no ser ut til at det ikkje er mogleg for konsernet å halde fram med anlegg og vedlikehald i eigen regi, vil formannskapet i Modalen kommune tydeleg oppmode om at dei tilsette og deira organisasjonar sine ønskjer om styrt avvikling, og å halde fram med BKK som arbeidsgjevar, vert sterkt vektlagt når styret skal ta si avgjerd.

Me ynskjer lukke til med arbeidet vidare.

Formannskapet - 026/2021

FOR - behandling:

Samrøystes vedteke

FOR - vedtak:

Formannskapet i Modalen vedtek slik uttale til styret i BKK, med dei endringane som kom fram i møtet

Sakspapir

Saksbehandler	Arkiv	ArkivsakID
Magne Verpelstad	FE-151	20/288

Saksnr	Utvalg	Type	Dato
027/2021	Formannskapet	PS	14.09.2021

Justering av løyvingar 2021

Forslag til vedtak:

Det vert gjeve følgjande løyving i investeringsbudsjettet for 2021:

Rassikring ved Bryggjeslottet kr 1 200 000.

Finansiering: Næringsfondet

Det vert gjeve følgjande løyving i driftsbudsjettet for 2021:

Grunnundersøkingar på Mo kr 600 000

Finansiering: Næringsfondet

Formannskapet utset saka.

Formannskapet ber om at rassikring bak Bryggjeslottet og grunnundersøkingar på Mo vert utgreidd som to saker.

Formannskapet ber administrasjonen vurdere alternativ finansiering, istaden for næringsfondet.

Saksopplysningar:

Bakgrunn

Rassikring

I samband med raset i fjellsida over Bryggjeslottet i mai 2021, er det behov for Geologarbeid, samt rensking, sikring m.m.

Det vert lagt til grunn følgjande behov:

Geolog: Synfaring, dialog, møter inkl rasrapport. Samla kostnad om lag kr 300 000 inkl mva

Sikring: Arbeid med rensking og sikring etter anbod. Samla kostnad om lag kr 340 000 inkl mva.

Sikring med arbeidsgjerde frå Solheim Gjerdenett, om lag kr 110 000 inkl mva.

Sikring og tildekking av Bryggjeslottet i samband med rensking og sikring er førebels ein usikker kostnad.

Opprydding og bortkøyring av stein, jord, tre/busker m.m. i samband med renskinga er stipulert til om lag kr 80 000 inkl mva.

Det er risiko for at det kan verte auka utgifter i høve til det ovennemnde, knytt til kva som vert avdekka i samband med arbeidet. Etter kvart som arbeidet startar opp, vil me få avklart endeleg behov. Det vert stipulert samla kr 370 000 til slik meirutgift, inkl utgift til sikring av Bryggjeslottet i arbeidsperioden.

Samla vert det stipulert ein kostnad på kr 1 200 000.

Grunnundersøkingar:

I samband med bekymringsmeldingar knytt til grunntilhøva på Mo, tek rådmannen sikte på å henta inn anbod knytt til geologiske undersøkingar. Som kjent har det vore meldt om skadar på bygningar i området knytt til mogleg rørsle i grunnen. Det er viktig å få avklart årsaken til desse hendingane, og kva som evt kan gjerast med dette. Det vil verte lyst ut anbod på arbeid med ein geologisk rapport for området i haust.

Vurdering

Sikring og rensking av fjellsida er eit heilt nødvendig arbeid for å kunne ta i bruk igjen Bryggjeslottet. Tiltaket vert vurdert å vere av investeringsmessig karakter, og utgiftsførast og finansierast i investeringsrekneskapen/-budsjettet.

Grunnundersøking på Mo vert vurdert å vere eit viktig arbeid. Tiltaket vert vurdert å ikkje vere av investeringsmessig karakter. Tiltaket må såleis utgiftsførast og finansierast i driftsrekneskapen/-budsjettet.

Konklusjon

Det vert tilrådd løyvd kr 1 200 000 til arbeidet med rassikring og rensking i fjellsida ved Bryggjeslottet.

Det vert tilrådd løyvd kr 600 000 til grunnundersøkingar på Mo.

Det vert tilrådd av begge tiltaka vert finansiert ved bruk av midlar frå Næringsfondet.

Formannskapet - 027/2021

FOR - behandling:

Rådmann og teknisk sjef orientere om status for arbeidet med raset bak Bryggjeslottet. Det er vanskeleg å lage gode kalkyler for kostnadane då det heile tida kjem nye moment og nye kostnadar på bordet. Det er større mengder med lause massar i fjellsida ein det ein håpa på når kartleggingsarbeidet og dei fysiske befaringsane starta, noko som gjer rensk og sikringsarbeidet meir omfattande og tidkrevjande. Rådmannen informerte om at framlegget til løyving er for lite etter nyleg motteken informasjon, og at ein vil be om auka løyving i kommunestyret 23. sept.

Kristin Nåmdal la inn framlegg om å utsetje saka, og at dei to foreslåtte løyvingane vert utgreidd som to seporate saker til kommunestyet. Håvard Engeseth bad om at det samstundes vart utgreidd og vurdert andre alternative finansieringsmåtar.

Ordførar laga nytt framlegg til vedtak som vart teke opp til votering. Samrøystes vedteke

FOR - vedtak:

Formannskapet utset saka.

Formannskapet ber om at rassikring bak Bryggjeslottet og grunnundersøkingar på Mo vert utgreidd som to saker.

Formannskapet ber administrasjonen vurdere alternativ finansiering, istaden for næringsfondet.